



Mónica González Pavón, secretària generau deth Conselh Generau d'Aran,

## CERTIFIQUI:

Qu'eth Conselh de Govèrn, en session ordinària de 16 de hereuèr de 2026, adoptèt, entre d'auti, er acòrd següent e que transcrit literaument ditz:

"2au.- APROBACION, SE PROCEDÍS, DETH PLEC DE PRESCRIPCIONS TECHNIQUES, DETH PLEC DE CLAUSULES ADMINSTRATIVES PARTICULARES, DER EXPEDIENT DE CONTRACTACION E DERA LICITACION DES ÒBRES DE REPOSICION E MIELHORES DES EDARS 2026 MEJANÇANT PROCEDIMENT DUBÈRT SIMPLIFICAT, DAMB TRAMITACION ORDINÀRIA [CLOAQUES].- (Exp. num. 4099-0001/2026)

Vista era memòria justificativa dera òbra deth Conselhèr de Territòri, Paisatge e Cambi Climatic, ena quau se da compde deth besonh de realizar eth contracte d'òbres e suministrament de "*Reposicions e melhores EDARS 2026*" pes motius que seguissen:

- Eth besonh dera execucion d'actuacions de reposicion e melhora enes sistèmes de sanejament forme part intrinseca deth servici qu'amien a tèrme aguestes installacions e constituís un besonh imprescindible entath sòn corrècte desvolopament, de forma corrècta e ininterrompuda. Coma en quinsevolha installacion damb òbra civiu e grana quantitat d'equips e procèssi, ei de besonh amiar a tèrme era sua melhora e reposicion en cas d'avaria o assoliment de la sua vida utila. Era non execucion d'aguestes actuacions repercutís en l'incorrècte foncionament des installacions e pòt comportar grèus afeccions en medi.
- Es despenes d'execucion de reposicion e melhores se mantien de forma sostenguda per part des entitats gestores e depenen des besonhs e des installacions e era capacitat d'execucion des pròpria des entitats gestores. Es actuacions corresponen a activitats programades (reposicion preventiva e melhores) e a besonhs imprevisti deguts a granes reparacions o incidéncias.
- Aguestes actuacions de reposicion e melhora son de besonh a fin d'assegurar eth corrècte foncionament des sistèmes publics de sanejament en nauta.

Vist eth Decret de Sindicatura num. 0045/2026, de 29 de gèr en quau se demane informe per part dera Secretaria Generau e dera Intervencion de Hons.

Visti es Plecs de clausules techniques redactats per engenhaire de camins, canaus e pòrts, Sr. Jaume Fabregat Gamundi, num. col·legiat 8801, que s'an incorporat en 3 lòts.



Vist er informe deth tecnic deth Conselh Generau d'Aran, Sr. Joan Capdevila Miret, es òbres e subministraments a executar son ordinàries e de manteniment per çò que non ei obligatòria era exposicion publica pendent trenta dies deth projècte d'execucion/memòria avalorada, mès òc era publicacions dera aprobacion entath conseishement des ciutadans.

Vist er informe favorable de Secretaria.

Vist er informe dera Intervencion de Hons sus eth percentatge que supause era contractacion en relacion damb es recorsi ordinariis deth pressupòst vigent, as efèctes de determinar er organ competent entà contractar.

Vist eth Plec de clausules administratives particulars redactat.

Cossent damb eth certificat favorable d'existència de crèdit adequat e sufisent dera Intervencion de Hons, eth finançament des òbres a contractar serà previst ena aplicacion pressupostària num. 2026/01.160.650.01 deth pressupòst generau prorrogat vigent entar exercici 2026, e totaument finançat per ua aportacion dera Agència Catalana de l'Aigua, entara anualitat 2026.

Cossent damb çò que dispausen es articles 18, 25, 28, 116, 117, 118.1, 122, 159 e Disposicion addicionau dusau e tresau.2 dera Lei 9/2017, de 8 de noveme, de Contractes deth Sector Public, se prepausa ath Conselh de Govèrn aprovar eth Plec de clausules administratives particulars, er expedient de contractacion atau coma era licitacion simultanèa des òbres nomentades, en tot tier en compde qu'era adopcion d'aguest acòrd ei competència deth Conselh de Govèrn, en vertut des delegacions efectuades peth Sindic d'Aran, mejançant Decret de Sindicatura num. 0326/2023, de 22 de junh [BOP de Lleida num. 159, de 19 d'agost de 2023 e DOGC num. 8980, de 16 d'agost de 2023].

Un còp sotmetuda era prepausa a votacion e debat, eth Conselh de Govèrn *acòrde per unanimitat* des quate (4) membres presents deth totau de quate que formen aguest organ collegiat:

Prumèr.- Aprovar eth conjunt de Plecs de Prescripcions Tecnicas, des òbres e subministrament de "*Reposicions e melhoras EDARS 2026*":

- Lòt 1 – Reposicions e melhoras ena EDAR de Bossòst, per impòrt de 54.433,46 € (IVA includit)
  - o Òbres dera renovacion deth tamís dera EDAR de Bossòst, per 54.433,46 € (IVA includit)
- Lòt 2 – Reposicions e melhoras ena EDAR de Naut Aran, per impòrt de 278.016,04 € (IVA includit)



- o Òbres d'installacion des valvules motorizadas d'aeracion dera EDAR deth Naut Aran per impòrt de 67.790,23 € (IVA includit)
  - o Òbres de renovacion dera linha des desidratacion num. 1 dera EDAR deth Naut Aran per un impòrt de 114.632,28 (IVA includit)
  - o Òbres de renovacion deth tamís num.3 dera EDAR deth Naut Aran, per impòrt de 66.089,39 € (IVA includit)
  - o Subministrament, installacion e metuda en foncionament d'un sistèma de mesura en continu de solids en suspension enes reactors biologics ena EDAR de Naut Aran per impòrt de 29.504,14 € (IVA includit)
- Lòt 3 – Reposicions e melhoras ena EDAR de Vielha, per impòrt de 195.659,04 € (IVA includit)
  - o Òbres de substitucion des pòrtes der edifici industriau dera EDAR de Vielha per impòrt de 72.441,95 € (IVA includit)
  - o Òbres de renovacion des tremuges des sobrenedants des descantadors dera EDAR de Vielha per impòrt de 18.595,67 € (IVA includit)
  - o Òbres de renovacion deth tamís de pretractament dera EDAR de Vielha per impòrt de 49.691,18 € (IVA includit)
  - o Renovacion der equipament deth laboratòri dera EDAR de Vielha per impòrt de 25.426,11 € (IVA includit)
  - o Subministrament, installacion e metuda en foncionament d'un sistèma de mesura en continu de solids en suspension enes reactors biologics ena EDAR de Vielha per impòrt de 29.504,14 € (IVA includit)

Dusau.- Publicar aquest acòrd e es Plecs de Prescripcions Tecniques ena sedença electronica d'aguesta Corporacion.

Tresau.- Aprovar eth Plec de clausules administratives particulars qu'a de regir era contractacion mixta d'òbra e subministrament, plec que s'adjunh coma annèxe en expedient e que demorarà a disposicion des personas fisiques e/o juridiques interessades, atau coma era despena corresponenta ad aguesta contractacion per un pressupòst totau de cinc cents vint-e-ueit mil cent ueit euros damb cinquanta quate centims (528.108,54 €) IVA includit, damb eth desglossament següent:

- Quate cents trenta sies mil quate cents cinquanta tres euros damb trenta quate centims (436.453,34 €) en concèpte de valor estimat o pressupòst net e,
- Nauanta un mil sies cents cinquanta cinc euros damb vint centims (91.655,20 €), en concèpte d'IVA ath 21%



Eth valor estimat deth contracte ei de 436.453.34 €.

Quatau. - Aprovar er expedient entara contractacion des òbres e subministrament de "*Reposicions e melhores EDARS 2026*", mejançant procediment dubèrt simplificat, damb tramitacion ordinària, cossent damb çò previst enes art. 28, 116, 117 e Disposicion addicionau tresau dera LCSP.

Cincau.- Dispausar era dubertura deth procediment dubèrt simplificat de contractacion, en tot procedir ara publicacion der anonci de licitacion en perfil deth contractant, en tot daurir en aguest moment eth tèrme de vint (20) dies naturaus entara presentacion d'aufèrtes, cossent damb çò que dispausa er article 159.3 LCSP.

Siesau.- Facultar era Sindica d'Aran, en nòm e representacion deth Conselh Generau d'Aran, entara signatura de quanti documents publics e/o privats siguen de besonh tà her efectives era tramitacion e execucion des acòrds anteriors."

Eth tèxte definitiu d'aguest acòrd serà çò que resulte dera aprobacion dera acta.

E, entà qu'atau cònte ar efècte oportun, signi aguest certificat d'orde e damb eth visteplatz dera Sindica.

Vielha, signat electronicament

Vist e platz  
Era Sindica

Maria Vergés Pérez